

LUNGSJET, NGAILUT CHULEH LHATKHOMPINA



Simmun 13: September 26, 2026




“Pakai Jesu
Christa lungsiet,
Pathien ngailut,
chule
Lhagao Thieng
kithopina chun
naboncha uvin
umpi uvin”

(2 Corinth 13:14)

Paul lekhatot 14 lah a 13 a hin akhumkhana'n alhangpi'n hiti hin aseiji e: “ *I Pakai u Jesu Christa lungsietna'n naboncha uvin na umpi u hen!*” (Rom. 16:24; 1 Cor. 16:23; Gal. 6:18; Eph. 6:24; Phil. 4:23; Col. 4:18; 1 Thess. 5:28; 2 Thess. 3:18; 1 Tim. 6:21; 2 Tim. 4:22; Tit. 3:15; Philem. 1:25; Heb. 13:25).

Corinth houbung lekhatot 2na a hin vang danglam jep in asun e. Availhahna kamcheng a hin Pathien hina 3: Pa, Chapa chule Lhagao Thieng lungsiet, ngailut le lhatkhompina chu chang diuin adeisah pih e (2 Cor. 13:14).



“Pakai Jesu Christa lungsietna”



“Pathien ngailutna”



“Lhagao Thieng lhatkhompina”



“Naboncha uvin umpi jing ta hen”

“PAKAI JESU CHRISTA LUNGSIETNA”

“I Pakai u Jesu Christa lungsietna chu nahe uve; haotah ahin, avaichatna chu nang hon nahaolo nading uvin nangho jal in amatah vaicha'n ahung um doh tai.” (2 Corinth 8:9)

Paul in Corinth mite lekha athot 2na Jesu lungsietna thu in apatna le akhumkhana abol e. (2 Cor. 1:2; 13:14). Hiche lungsietna chun ipi pi anei em?



Van tuonsot haona adalha'n, eiho haosat theina din vaicha tah in ahung um tai. (2 Cor. 8:9)



Ama ihetdoh theina diu, ingailut uva, achonchan itho theina diuvin ilhatna u vannuoi ah ahung kumlha'i (John 15:12)



Kineosah tah in aum in, eiho chonsiet ngaidam pih le tuonsot hin theina din thina gei in ahung thunung tai. (Phil. 2:8)

Alungsietna kisaan chan in ipi anei um?

Thiemchanna anei ui (Rom. 3:24; Eph. 1:7)

Kinepna anei uve (Rom. 5:2)

Christa kuon thaneina achang ui (2 Cor. 12:9)

Chonsiet in achung uva tha anei tapoi (Rom. 6:14)


Jesu toh alhakhom thei ta uve (Rom. 5:17, 21)



“PATHIEN NGAILUTNA”

“Ngailut neilouvin Pathien ahe poi, ajieh chu
Pathien hi ngailut ahi.” (1 John 4:8)

Bible in Pathien ngailut ahi tin aseilha jieng e
(1 John 4:8). Hiche ngailutna chu athilsiem jouse
chung a abunglha’i. Ilungsung uva hetdoh jieng thei
ahi, nu le pa leh chate kingailutna kuon jong, chuleh
pahcha hoi tah, vacha eugin ngeitah ho a kuon jong...



Paul in Corinth mite (*chule eiho jieng jong*)
ngailutna’n mi akhantou sah e ti ahi e (1 Cor. 8:1);
ngailutna bei in man anei poi (1 Cor. 13:1-3); chule
akibol akitong jouse Pathien ngailutna vang a hisah
ding ahi ti ahi e (1 Cor. 16:14).

Pathien ngailutna kilahna thupi pen chu Jesu chonse
ho khel a thi dia akipehdoh chu ahi (Jn. 3:16).

Hiche kipehdohna hinkho chu eihon midang chung
a iboljom ding uva Pathien in ei musah u ahi (1 John
3:16)

“PATHIEN NGAILUTNA” (2)

“Tu a lhah sopite, kipah thanuom un, chamkim suohkei un, lungmuong un, lungkhat hi uvin, kichamdel un, chutile ngailut le chamna Pathien in na umpi jing diu ahi.” (2 Corinth 13:11)

Paul in Pathien melput chuom tampi atahlah e:

♥ “Thuohhat Pathien” (Rom. 15:5)

♥ “Kinepna Pathien” (Rom. 15:13)

♥ “Chamna Pathien” (Rom. 15:33)

♥ “hepina [...] jouse Pathien” (2 Cor. 1:3a)

♥ “Lungmuonna Pathien” (2 Cor. 1:3b)

♥ “Ngailutna Pathien” (2 Cor. 13:11)



Pathien in hitobang phatna chuom chuom anei goh hilouvin, hiho jouse kuonna le imutheina u jong ahi e.

Pathien chu ngailut ahin, ngailutna Pathien jong ahi.



Pa Pathien in angailutna ei pieh u ahi (1 John 3:1)



Christa Pathien chun angailutna ei dimsah u ahi (Eph. 3:19)



Lhagao Thieng Pathien chun angailutna ei buohlhah pih u ahi (Rom. 5:5)

“LHAGAO THIENG LHATKHOMPINA”

“Pakai Jesu Christa lungsiet, Pathien ngailut chule Lhagao Thieng kithopina chun naboncha uvin umpi uvin.” (2 Corinth 13:14)

Mikhat lungsietna ichan ding u (*Pakai Jesu Christa a*), Mikhat ngailutna (*Pa Pathien a*) chuleh mikhat lhatkhompina (*Lhagao Thieng a*) ichan ding u Paul in ei deisah pih lleh uve (2 Cor. 13:14).

Corinth mite alekhathotna sung a vel 40 val Lhagao Thieng aminphahna a hin Paul in mikhat bang a hina phatah bukim sel a nei in aseiji e. Pathien a kuon hung mai mai in aseipoi.



Mission natong din mite apanpi e (1 Cor. 2:4)

Pathien thuguh thuh tah aseipih e (1 Cor. 2:10)

Het hahsa jouse eihil thiem uve (1 Cor. 2:13)

Eiho sung ah acheng e (1 Cor. 3:16)

Thiemchansahna dia Christa toh pangkhom (1 Cor. 6:11)

Lhagao Thilpieh ape e (1 Cor. 12:7-11)

Huhhingna mohor ei chansah uve (2 Cor. 1:22)

Lungsung a dan ei sutpih uve (2 Cor. 3:3)

Christa a hinkho thah ei pe uve (2 Cor. 3:6)


Chonsietna kuon ei jalen sah uve (2 Cor. 3:17)

“NABONCHA UVIN UMPI JING TA HEN”

“Pa Pathien in ahet masah dungjui a Lhagaova kisuthiengsa, thu a nung ding a Jesu Christa thisan kithekhum ho hieng a lungset le chamna nachung uva pung jal hen.” (1 Peter 1:2)

Pathien hina thum, Trinity, chu “*Pa, Chapa le Lhagao Thieng*” (Mt. 28:19) ti a iminphah ji u ahin, Paul in “*Chapa, Pa, Lhagao Thieng*” tin aminphah e (2 Cor. 13:14), Peter in “*Pa, Lhagao Thieng, Chapa*” (1 Pet. 1:2) tin aminphah kit e.

Alah uva alien jo aneo jo chuom aum po uve; huhhingna ding a pan chuom chuom nei a ahi uvin, hina le tup kibang ahi uve.



Hijieh chun Paul in alekhathot khumkhana’n Pathien hina jouse kuon a lungsiet, ngailut le lhatkhompina’n na umpi jing ta u hen ati ahi (2 Cor . 13:14).

“Leisiet thil ho a kuon Pa chu itobang ahi hetdoh le seidoh thei ahipoi. Pathien ahina 3 ho bukimna chu Pa ahin, mihiem mit muthei a um ahi poi.

Pathien ahina 3 ho kilahna bukim chu Chapa ahi. [...]

Christa’n van akaltou jouva ahin sol ding a ateppih Lhamuonsah chu Pathien ahina 3 ho bulhing set in Lhagao Thieng in ahung kilah in, Christa ahuhhingpu a kisaan jouse Pathien lungsietna thahat achansah tai. Van a hing jing thum aum in ahi; hiche thum ho- Pa, Chapa le Lhagao Thieng- min a Christa tahsan vang a kisaan jouse basptisma achang un, van thununna hinkho mang jouse’n Christa a hinkho thah aneitheina diuvn thaneina ho chun apanhu diu ahi.”